

續金華叢書



續金華叢書



醫學詩抄

袁勵準



甲春康宗校
子永胡榘鋟

學詩初藁

續金華叢書

金華王同祖與之撰

絕句

京城元夕

以下係丙申作

鼓吹喧喧月色新
天街燈火夜通晨
玉皇不賜傳柑宴
散與千門萬戶春

湖上

長安三月又三日
繡轂絨鞍富貴家
笙鼓喧天蘭棹穩
賣花聲裏夕陽斜

偶出城來日未西
百花叢底草萋萋
遊人過盡歸來晚
行遍蘇公十里堤

送客

千金難買是心知
誰遣相親又語違
楊柳若知行客恨
不教飛絮撲春衣

太乙宮卽事

金殿重重畫不開盤窠蒼柏兩行栽角門東畔瞻宸几仙仗曾迎翠輦來

綠陰密處著危亭佳氣葱葱王武林一片紅塵飛不入杜鵑啼處白

雲深

山後有亭乃武林山

夜步內門

靜夜孤燈人未眠等閒行過內門前一聲唱徹連珠喏

皇城夜閒唱連珠喏碧

月朱欄綠柳邊

時事感懷

壯心如鐵氣填膺萬里中原尙虜塵一枕西風兩行淚封疆誰是死

綏人

羽書昨夜下長安胡騎駸駸犯蜀關愁殺閨中年少婦朝朝空望戍夫還

襄州蹀血荊州亂千里金湯狐兔憑未定樊城關羽死漢民何日見

中興

蜀又交侵淮又危江湖風浪沸潢池

時江右有寇警

連朝雲氣濃於墨想是

英雄血戰時

晚秋

世變無窮客恨長欄干遍倚怕斜陽滿籬黃菊無心看付與游蜂自在忙

明堂觀禮雜咏十三首

尙書省觀泣誓

中辛旼吉建齋壇宰相前期誓百官尊祖敬宗天子孝儀文莫作筆閒看

端門觀習肆赦儀

百官常服拱端門丹鳳銜書下九闈宰相近前宣授了齊班舞蹈謝君恩

兩邊黃幕護朱簷中貴當頭候捲簾扶起金雞爭搶取要教天表庶

民瞻

車駕宿太廟

金甲重矛兩內臣
堦前對立氣英英
巡更場內知誰問
聽得傳呼宰相名

車駕回太廟

瑞靄祥雲傍曉開
九重法駕太宮迴
一聲靜蹕千官肅
衛士傳呼御座來

天街夜步

風不停雲月更清
千門繡幕笑歌聲
御營巡檢無拘束
走馬天街夜達明

內前

青帷朱簾柳陰旁
玉磬金鐘列兩行
輦路旋添泥細細
雞竿揭處瑞雲黃

和寧門觀駕

星斗中天夜向晨寸雲不點月華明六飛過盡燈如晝宮漏遲遲報五更

肆赦

九重夙夜畏天威何事晴明一夕非不放明堂大朝賀盡拋坊樂獨行歸

上以天變免朝賀及迎樂

觀景靈宮恭謝

聖皇宗祀懷多福恭謝回來看帶花祝敵笙鏞齊合奏舉頭更見日

光華

時積陰初霽

膳羞進徹靜無譁宰執齋宮坐賜茶不比常朝添覆奏

常朝除日覆奏而後出劄

惟齋宮免

報來除目十餘家

回龍橋望駕

回龍橋上望龍顏毅采英英仰視難須信吾皇自神武何憂中國不尊安

兩行衛士錦宮袍萬歲聲長徹九臯過盡羽旄風細細彩雲不動御

爐高

晚秋登樓

獨上危樓望落暉
昏鴉歸處遠煙微
湖光洗得秋容淨
爭奈江南鴈又飛

讀罷黃庭倦倚樓
亂雲挾雨過湖頭
年來無復登臨思
閒撚黃花送暮秋

觀雨

蕭蕭疎雨逐斜風
三兩歸鴉暮靄中
看到菊花無可看
一年秋事成空

送劉方石歸盱江

歲云暮矣始成行
珍重劉公半月程
四海干戈風物改
亂離時節別離輕

昨日新聞未忍聽
憂時贏得鬢毛星
歸休高臥西江上
祇恐川原草木腥

與月船周君話別

明日須知子逐行一燈對話過三更離魂已逐歌聲斷清夢空隨夜雨生

鴨爐煙冷夜窗寒著盡冬衣尙怯單忽憶故人千里別雁齋芳恨度扶欄

霜風

一夜霜風動地寒塞垣火未報平安嫦娥亦帶傷心色爲照征人尙抱鞍

夜坐

獨對寒燈客夢孤數聲征雁下平蕪古今多少難言事笑指梅花解語無

坐到中宵未忍眠祇今身世兩茫然悲歡轉眼俱陳迹休對寒燈說舊年

寒夜

市地陰風暗淡天，怯寒時候只宜眠。
氈裘羔酒非吾事，自碾新茶和雪煎。

風收雲捲月當天，獨立中庭思悄然。
市井不知邊塞事，嗚嗚鼓吹樂新年。

寄詩人

憶君夜夜看燈花，暗數歸期未到家。
兒女團欒生計足，還知邊塞走胡沙。

恰回午枕自華胥，忽得周郎一紙書。
江上春風能幾日，莫教門外柳蕭疎。

周留詩爲別有歸去門前栽柳樹逢春先緣向陽枝之句

觀錫宴宣勸

中使傳宣內裏來，輔臣拜飲九霞杯。
君王萬歲三邊靜，壽域先從塞北開。

湖上早行

錢塘門外買湖船，霧氣衝雲水接天。
只有蘇隄金線柳，半籠早日半

龍煙

陰夕

恰則晴明天又陰霜風如劍二毛侵淮城夜雪深多少不見擒吳奏捷音

歲晚卽事

矻矻窮年漫逐名不知七日換新正困人天氣濃於酒賴有梅花喚眼醒

元旦

以下係丁酉作

一夜東風換斗杓千門曉雪色初消君王已奏平淮雅猶是謙冲免會朝

時以邊事免大朝會

雲集衣冠拜紫宸榻前除目報來眞君恩先到宮門柳占得人間第一春

觀宰相早朝

五更三點內門開御路傳呼宰相來天子未明思政理退朝常是過

辰牌

用唐人
進退格

春社

廉纖霧雨四山昏
寂寂茅簷半掩門
客裏不知今日社
偶過野廟見分牀

雨意

春愁如織雨如麻
倦倚吟窗拾落花
坐不忍眠心似醉
悠悠身世在天涯

曉曉重陰晝不分
歸鴉林裏認黃昏
人閒春信知多少
但覺輕寒入夢魂

內前

兩行垂楊護九重
翠眉羞畫舊隋宮
柔條似怕君恩重
低拂朱欄舞曉風

麗正門開曉色鮮
萬絲綠柳御溝邊
禁中恐有題紅句
不放涓流出內前

小立

小立危樓望眼遙
晚煙淡處見湖橋
梅花落盡寒猶力
留得東風候柳條

湖上

湖頭春水千丈碧
湖隄嫋嫋柳不盈尺
唱歌女兒棹船回
驚起沙鷗對對立

廟山道中

蕭蕭疎雨點孤篷
舟子招呼語順風
小麥青青春卻半
一犁江上看田翁

春日雜興

迢迢清夜靜無譁
月色千門噪亂鴉
吳山月明則鴉羣噪
坐久忽驚寒力重
不知殘雪在梅花

粉牆紅杏半離披
春滿人閒花自知
幽鳥不言如有思
等閒飛上海棠枝

輕寒漠漠雨霏霏
春院人閒半掩扉
風力不知多幾許
出門只見杏
花飛

百花時節燕鶯忙
盡日如年懶課香
午枕夢回人悄悄
一聲啼鳥傍
斜陽

清明過了
柳花飛簾外
萋萋草正肥
喚起惜春情緒處
空山殘月
啼鵲啼

嚴陵舟中

萬水千山霽色新
臨風一葦捷於神
羊裘灘下休停棹
聞說狂奴解
笑人

郊行

牧牛童子坐田頭
摘草簪花兩兩謳
路連青山山遶澗
殘潭夕照澹
於秋

火雲散盡晚風涼
曲澗流空草自長
蠶箔成絲秧貼水
數聲布穀爲
誰忙

午窗

破午幽禽驚客夢，隔窗疎雨喚離愁。
浮雲得喪知何益，早悟莊周蝶夢休。

獨行

終日長廊獨自行，幻身未信一絲輕。
自家心緒忡忡急，枉恨鄰牆搗練聲。

初秋

晚趁涼颺上小樓，忽看梧葉始驚秋。
悲懷無奈狂風雨，數盡歸鴉懶轉頭。

晚登層樓

以下四首在金陵鎖試作

西風吹我上層樓，千載興亡逝水流。
數點鴉歸江浦晚，一聲鴈過塞垣秋。

天津橋

橋在行宮前，昔人謂山如洛邑水如瀍，因以名之。

行闕千重鎖，墓煙山如洛。邑水如瀍，黃塵障斷中原路。
忍立橋頭聽